



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



Հայաստանի Հանրապետության Գիտությունների ազգային ակադեմիայի (այսուհետ՝ ՀՀ ԳԱԱ) Մ.Արեղյանի անվան գրականության ինստիտուտ ՊՈԱԿ-ը՝ ի դեմս տնօրեն, Բ.Գ.Ղ. Վարդան Դևրիկյանի, ով գործում է ինստիտուտի Կանոնադրության հիման վրա՝ մի կողմից և «Գորիսի պետական համալսարան» ՊՈԱԿ-ը (այսուհետ՝ ԳՊՀ)՝ ի դեմս ռեկտոր, ֆիզմաթ. գիտ դոկտոր, պրոֆեսոր Արտուշ Դուկասյանի, ով գործում է ԳՊՀ-ի Կանոնադրության հիման վրա՝ մյուս կողմից, (այսուհետ՝ Կողմեր), հիմք ընդունելով գիտական կազմակերպությունների և բարձրագույն ուսումնական հաստատությունների միջև համագործակցության ապահովման, կողմերի գիտահետազոտական և կադրային կարողությունների լիարժեք օգտագործման և առաջավոր գիտական փորձի ներդրման անհրաժեշտությունը ուսումնական գործընթացում կնքեցին համագործակցության հուշագիր (այսուհետ՝ Հուշագիր) հետևյալի մասին.

1. Հուշագրի առարկան

1.1. Հուշագրի առարկան Կողմերի համագործակցության նպատակի, գործընկերության հիմնական ուղղությունների, Կողմերի իրավունքների և պարտականությունների սահմանումն է:

2. Հուշագրի նպատակը և համագործակցության հիմնական ուղղությունները

2.1. Հուշագրի նպատակը Կողմերի միջև գիտահետազոտական և կրթական ոլորտներում գործընկերային հարաբերությունների հաստատումն է, համագործակցության ծրագրերի իրականացումը Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

ա/ ՀՀ ԳԱԱ Մ.Արեղյանի անվան գրականության ինստիտուտում և ԳՊՀ-ում իրականացվող գիտական ու կրթական ծրագրերի մասին տեղեկությունների տրամադրում, համատեղ գիտական և կրթական ծրագրերի իրականացմանն ուղղված աշխատանքների քննարկում և կազմակերպում,

բ/ համատեղ հանրապետական և միջազգային գիտաժողովների կազմակերպում,

գ/ համատեղ գիտահետազոտական, կրթական ուղղվածության ծրագրերի իրականացում, հետազոտությունների արդյունքների հրատարակում.

- մյուս Կողմին արտաքին ֆինանսավորմամբ իրականացվող ծրագրերում որպես գործընկեր ներգրավման հնարավորության քննարկում,

- Կողմերի կազմակերպած կրթական, գիտական, մշակութային ծրագրերին և այլ միջոցառումներին մասնակցության հնարավորություն,
- դ/ գիտական և կրթական ծրագրերի արտաքին փորձագիտական գնահատման աշխատանքների իրականացում,
- ե/ սովորողների և դասախոսների մասնագիտական վերապատրաստումների, վարպետության դասերի, կլոր սեղանների, թեմատիկ բանավեճերի կազմակերպում, ակադեմիական շարժունության իրականացում,
- զ/ ինստիտուտի առաջատար մասնագետների ներգրավում ԳՊՀ-ում իրականացվող ավարտական աշխատանքների, մագիստրոսական թեզերի ղեկավարման, գրախոսման, ամփոփիչ ատեստավորման աշխատանքներին,
- է/ գիտակրթական և մեթոդական գրականության ու մասնագիտական զարգացմանը նպաստող էլեկտրոնային աղբյուրների տրամադրում, գիտական աշխատությունների, դասագրքերի, ուսումնական նյութերի, ուսումնամեթոդական ձեռնարկների մշակում և խմբագրում:

3. Կողմերի իրավունքներն ու պարտականությունները

- 3.1. Կողմերն իրավունք ունեն հանդես գալու Հուշագրով նախատեսված միջոցառումների կազմակերպման ու անցկացման նախաձեռնողի դերում:
- 3.2. Համագործակցության սպատակով, Հուշագրի հիման վրա, Կողմերը պարտավորվում են.
- ա/ միմյանց փոխանցել համապատասխան տեղեկատվություն, որը վերաբերում է Հուշագրով նախատեսված համատեղ ծրագրերի ու միջոցառումների անցկացմանը,
 - բ/ անվճար հիմունքներով խորհրդատվություն տրամադրել ծրագրի ու միջոցառումների կազմակերպման ու անցկացման հարցերում,
 - գ/ ապահովել անհրաժեշտ նյութական բազա և պայմաններ՝ համատեղ ծրագրեր իրականացնելու և միջոցառումներ անցկացնելու համար,
 - դ/ նախօրոք տեղյակ պահել միմյանց համագործակցության ընթացքում առաջացող խնդիրների մասին և համատեղ ուժերով ապահովել դրանց լուծումը:

4. Հուշագիրն ուժի մեջ մտնելու և գործողության ժամկետները

- 4.1. Հուշագիրը բաղկացած է 3 էջից և ուժի մեջ է մտնում Կողմերի ստորագրման պահից:
- 4.2. Հուշագիրը կնքվում է 5 տարի ժամկետով: Ժամկետը լրանալուց հետո, եթե որևէ Կողմից այլ առարկություն չի լինում, ապա Հուշագրի գործունեության ժամկետն ինքնըստինքյան շարունակվում է ևս 5 տարի:

5. Եզրափակիչ դրույթներ

5.1. Հուշագիրը կարող է լուծվել Կողմերի փոխադարձ համաձայնությամբ:

5.2. Կողմերից մեկի նախաձեռնությամբ Հուշագրի դադարեցման անհրաժեշտության դեպքում մյուս Կողմը պետք է տեղեկանա այդ մասին գրավոր՝ ենթադրյալ լուծման պահից առնվազն 10 օր առաջ:

6. Կողմերի իրավաբանական հասցեները

ՀՀ ԳԱԱ Մ.Աբեղյանի անվան գրականության
ինստիտուտ ՊՈԱԿ

Հասցե՝ ք. Երևան, Գրիգոր Լուսավորիչ 15

Էլ. փոստ՝ litinst@sci.am

Հեռ., ֆաքս՝ +374 56-32-54

Տարածք

Վարդան Գևորգյան



2020թ.

Գորիսի պետական համալսարան
ՊՈԱԿ

Հասցե՝ ք. Գորիս, Ավանգարդ 4

Էլ. փոստ՝ gorissu@mail.ru

Հեռ.՝ +374 0284 2 27 67

Ռեկտոր

Արտուր Ղուկասյան



2020թ.